

陋軒集

附錄集

函一
五冊
函

陋軒詩 卷四

泰州吳嘉紀野人著

鳳凰臺訪錢湘靈贈詩二首

翳翳寒雲下荒臺何嶙峋
鳳凰不來遊梧竹愁殺
人誰愛一抔土抱琴來結鄰
登臨發慷慨長句助
有神時時江山際清風吹衣巾
李白逝久矣斯人
洵可親

又

隴畝在南村歲凶不得食
吏胥徵稅苛親戚共亡

匿平生工詞賦出門路人識文采成饑寒盛名有
何益昨聞故園松樵人斤斧逼扁舟遣兒歸涕淚
正霑臆

登清凉臺

卽虎踞關

此地舊京華登臨落照斜雄關空踞虎廢殿只啼
鴉山脊明寒燒江心長白沙來遊吾獨晚搔首聽
悲笳

登燕子磯

空翠壓蒼波高亭試一過江流向北小山色直南

多風雪孤舟遠饑寒兩髯皤浮家願不遂老眼看
漁蓑

又

危磯猶似昔

曾同王鴻寶登此

孤客獨傷魂親友浮雲散

關山曉霧昏疾帆衝白鷺怒浪擁蒼鼉俯視維舟
處潮收露石根

爲錢湘靈題穎川君絕筆二種後

閨中風味亦何清學佛耽詩已半生字畫真懷三
四載安仁惆悵不勝情

又

金陵歲暮對斜曛病婦音書久不聞邂逅鳳凰山下客霑衣偏說潁川君

秣陵酒徒歌贈吳介茲

秣陵吳生今酒徒絳脣白面蒼髭鬚年已三十產
業無終朝擊劍歌烏烏去冬相逢桃葉渡老枯樹
下人提壺霜落華筵失凜冽月來深夜隨歡娛長
干老春真有力遊子臘月衣無襦今年臥疾燕城
隅出門送君倩人扶柁枹炙醅未及把灑泣睎予

偃僂軀丈夫豈作兒女態爲予貧病心踟躕帆前
鴈雛喚侶伴掌大雪片飛江湖君且痛飲歸舊都
君不見杜陵野叟在泥途空牆日落妻兒餓窮谷
歌成手足痛吾曹溝壑等閒事臨歧顧戀徒區區

枯園詩四首贈周雪客

枯柏葉松身因
以四字爲韻

嶇嶇數株枯幹素葉何碧君家清陰下三世宴賓
客凜冽歲晏時巖壑冰霜積今君憂患餘重來拭
白石儔侶轉寥寥此木獨如昔人生戀故舊物性
貴孤適天寒色不凋何必松與柏

又

殘冬憶名園滄江命舟楫入門清風起謾謾響松
葉故人喜我來襪束不暇屨霜蔬把鋤劬濁酒隔
牆饁開軒試舉杯蒼然遠山接十年走東西僮羸
馬無鬣羨爾於陵子歸來有舊業

又

爾祖此習靜

如山先生

不知春與冬掩卷時出戶開襟

對羣峰躑躅向小橋鹿麕隨短筇脩脩塵壚外伊
人洵可宗我來訪高蹈寒泉暮淙淙但見栖鳥回

孤雲已無蹤徒然嘯歌處仰首看喬松

又

紀也非斷蓬家在東海濱門外卽流水狂歌把釣
緡妻兒饑驅我青鞵入紅塵一生何疎散垂白翻
苦辛曠哉園中池水石清粼粼風景豈不佳回首
忽愴神美人峰

園中峰名

頂月何須照老身

勸酒歌二首爲汪季璨

時季璨二十初度

爲君彈清琴調苦未免傷人嘲爲君歌白紵曲長
愁見東方高何如燭下金叵羅殷勤斟香醪香醪

味醇色復殷曾使朱顏常不凋
三萬六千朝過去
七千二百朝從此朝朝飲美酒
那羨仙人王子喬

又

君不見隋家苑昨爲歌舞場
今爲狐兔窟
眼前景色那有定
山岳轉瞬成溟渤
人生難得沽酒錢
况君翩翩正少年
滿堂賓客皆好我
追光逐景相周旋
往昔有劉生
其人稱大賢
一石飲盡枕鋪臥
搖手不聽婦人言

旅懷二首贈汪牧公

春風吹幾日草木都葳蕤遊子有肺病萌芽亦已
滋空囊尙羞澀皓首唯低垂時無韓伯休疾痛欲
呼誰故鄉路漫漫俛仰不敢思嗟哉命一縷燈前
聽子規

又

藥物日盈筐煎汁勸吾茹竊感汪郎情食苦不知
苦汪郎洵多藝未嘗向人語心偶憐孤客我已免
二豔朝授神農經夜話伯通廡扶持疾病人斯道
亦云古

三月三日絕句二首

船頭昨夜雨如絲
沃我盆中蘭蕙枝
繁蕊爭開修禊日
遊人正是到家時

又

已見江城桃李開
風帆飛渡五湖來

揚州有五湖
有滄溟

三月冰初泮
飽看茅齋綠萼梅

傷哉行

鷗雞鳴桑榆
朝旭動溟渤
雨晴宿霧斂
海岬曠兀兀
此時送吾親
就彼丘中穴
破幔不蔽棺
親戚訾訾

且啞輓輻心自悲送死具都缺所念河之濱一抔
勢磈砢行人村口來遠帆墓門列老病未死兒抱
土掩親骨

又

墓田固姪有

族姪珍

范公隄東偏脉脉春流外西南

對澄淵近水蘆葦多鴛鴦何翩翩姪也忽相售肯

不多索錢遂使我二人容易及重泉落葉向故根

吾祖塋在前

三世祖謙公墓

墓後卽鄉廬遠遠見人烟依

然是桑梓庶以娛長眠

又

緬懷乙酉歲里閭爲戰場長跪借人隴雙親厝其
茆石槨製未了子孫散匆忙亂定主人歸桔槔種
稻梁引水二三尺迫我速發喪見此五內裂還家
谿日黃小兒如哀猿饑臥喚爺娘俯仰生死際夜
夜淚千行

又

塋師語我曰三月廿二吉汝其亟爲槨時哉不可
失倉卒聞師言空手計安出貧窶鄰里外豈無交

如漆已推食食我復干恐見疾不悟素心者委曲
更相恤匍匐救有喪高情罕其匹瓊瑤光采多持
報是何日

哭吳周

形骸葬何處遙望但潜然同病吾猶在

吾與周皆有肺病

貧交汝最賢買山徒有約學道苦無年俊逸豐谿

集

周著豐谿草堂集

人間自此傳

又

傷哉倡和友寂寞把君詩老滴招魂淚生無會面

期青山躬稼地丹旄出門時想見茅簷下呱呱一
歲兒

又

丙申赴友難周也願相隨冒雪攜裝出租驢讓我
騎犬鳴投宿店燈照下鞍時敝褐西風裏禁寒泣
其持

又

重壤懷生友遊魂到遠舟形容猶夙昔風景只颺
颺缺月長橋落清淮半夜流醒來憶攜手惆悵海

西頭七月十九夜夢周
於茱萸灣舟中

寄閣再彭

武陵桃杳然淮南桂猶好斯人塵網中高翔獨何
早出城結草屋栽樹來啼鳥俛仰日悠悠衰頽已
稍稍秋雨過田園家人采葵藻開軒延孤賞舉案
勸一飽仲子有賢妻灌園足娛老

又

耽幽賦招隱好我須同行

再彭隱處名一蒲其友
張虞山悅之乃爲結屋

並治釣具淼淼楚水中雙雙釣魚航棲遲共菰蒲飲啜

多滄浪自比於巢許人稱曰閻張予生東海濱獨
著薜蘿裳聞君居有鄰欲往河無梁臨流試極目
葦花秋蒼蒼

又

酈叟吟見志揚惲醉擊缶人情固多忌其調亦傷
厚嘯咏乃娛懷憂患翻自取緬彼大雅流迴哉淮
陰叟春風隨手來羣物解顏受朝看天際雲暮倚
門前柳士窮無怨音時俗安能咎

送高雲客歸遺安草堂二首